

STATUT

I

SHOQËRISË ME PËRGJEGJËSI TË KUFIZUAR "GSA Ferrokrom" Shpk

Në këtë statut

- "Ligji" është Ligji Nr. 9901, dt. 14.04.2008 "Për Tregtarët dhe Shoqëritë tregtare";
- "Statuti" është Statuti i shoqërisë;
- "Shoqëri" është Shoqëria "GSA Ferrokrom" SHPK

Kreu I - Themelimi, Emri, Objekti, Kohëzgjatja, Selia

Neni 1: Data e Themelimit, Emri dhe Themeluesit

Sot, më datë 02.10.2023 themelohet shoqëria me përgjegjësi të kufizuar me emrin "GSA Ferrokrom" SH.P.K. nga ortakët i vetëm si më poshtë:

Shoqëria "GSA" shpk me NUIS J61820031J që do të zotërojë 100% të kapitalit themeltar të shoqërisë.

Neni 2: Objekti

Shoqëria "GSA Ferrokrom" shpk themelohet nga ortakët "GSA" shpk pasi ky ortakë synon që sa më shpejtë të jetë e mundur t'i transferojë tërësisht aktivitetin ekonomik të ferrokromit, që aktualisht kryhet nga vetë ortakët "GSA" shpk, në mënyrë që ky aktivitet të kryhet si një shoqëri më vete me qëllim rritjen e efikasitetit në menaxhim, thithjes së investimeve të reja, zgjerimin e gamës së produkteve dhe aktiviteteve në fushën e ferrokromit etj...

2.1 Shoqëria "GSA Ferrokrom" do të kryejë aktivitetin e mëposhtëm:

I. Import - Eksport, Tregtim dhe Furnizim me shumicë dhe pakicë të:

- Produkte, mallra dhe lende të para të përdorimit industrial dhe të përgjithshëm;
- Makineri, pajisje për përdorim industrial dhe të përgjithshëm;

II. Aktiviteti i prodhimit dhe tregtimit, importit dhe eksportit të Ferro-Kromit dhe Ferro-Alliazheve.

III. Kryerjen e veprimtarisë në fushën e ndërtimit, studimit, projektimit, supervizimit, kolaudimit, konsulentëve, mirëmbajtjes, shërbimeve, turizmit, prodhimit, import-eksport, sipërmarrjen zbatuese dhe/ose investimin sipas rastit, për realizimin me fonde publike dhe ose jopublike të veprave me karakter shfrytëzimi dhe/ose administrimi, publike dhe/ose private. Ndërtimin, prishjen dhe rikonstruksionin e godinave civile, objektet industriale, centraleve të ndryshme, objektet turistike, objektet me qëllim agroturizmin, objektet e kultit, rrjetet inxhinierike etj.

IV-Shoqëria mund të zhvillojë çdo aktivitet tjetër të lejuar në ligj.

2.2 Objekti mund të ndryshohet me vendim të Asamblesë së Përgjithshme të Ortakëve.

Neni 3: Kohëzgjatja

Shoqëria krijohet për një afat të pacaktuar.

Neni 4: Selia - Stema

4.1 Selia e shoqërisë ndodhet në adresën: Njësia Bashkiake nr.5, Rruga Ibrahim Rugova, Pallati nr.64, Tiranë.

4.2 Selia mund të ndryshohet me vendim me shumicë të thjeshtë të Asamblesë së Përgjithshme të Ortakëve.

4.3 Shoqëria ka stemën e saj e cila përbëhet nga të dhënat e saj (sipas rastit adresa e selisë, NUIS-i apo informacione të tjera) dhe emrin i saj. Stema përfundimtare e shoqërisë dhe vula e saj do të propozohet nga administratori dhe miratohet nga Asambleja e Përgjithshme e Ortakëve pas regjistrimit të shoqërisë.

Kreu II - Kapitali

Neni 5: Kapitali themeltar

Kapitali themeltar fillestar i shoqërisë është 10.000.000 (dhjetë milion) Lekë dhe shlyhet dhe zotërohet plotësisht nga **ortaku i vetëm shoqëria "GSA" shpk** me NUIS J61820031J që do të zotërojë 100% të kapitalit themeltar të shoqërisë dhe për pasojë do të jetë pronar i një kuotë të vetme të barabartë me 100 % (njëqind përqind) të kapitalit themeltar të shoqërisë:

Neni 6: Zmadhimi dhe zvogëlimi i kapitalit

6.1 Me vendim me shumicë të cilësuar të Asamblesë së Përgjithshme të Ortakëve, kapitali i shoqërisë mund të zvogëlohet ose të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë.

6.2 Në rast të rritjes së kapitalit me anë të kontributeve në natyrë ortaku/ët do t'i komunikojnë me shkrim Administratorit kategorinë e sendeve që do ti kalohen në pronësi shoqërisë. Asambleja e Përgjithshme do të emërojë një ekspert të jashtëm të pavarur për të përgatitur një raport ku të figurojnë të listuara qartësisht sendet objekt kontributi dhe vlera përkatëse në para e secilit prej tyre. Raporti i mësipërm do ti paraqitet ortakut/ëve brenda një kohe të arsyeshme për tu njohur dhe komentuar mbi të. Komentet e ortakut/ëve, nëse ka, i transmetohen menjëherë ekspertit nga administratori. Pas ezaurimit të komenteve, eksperti përgatit raportin final i cili i kalohet për votim Asamblesë së Përgjithshme e Ortakëve që e miraton me një shumicë prej $\frac{3}{4}$ të ortakëve.

Neni 7: Transferimi i kuotave të kapitalit

7.1 Kuotat e kapitalit të shoqërisë mund të fitohen apo kalohen nëpërmjet:

- a) shitblerjes;
- b) trashëgimisë;
- c) dhurimit;
- ç) Dhënies si kontribut në kapitalin e një shoqërie tjetër;
- d) çdo mënyre tjetër të parashikuar me ligj.

7.2 Ortaku që dëshiron të shesë kuotat e tij detyrohet më parë t'ia ofrojë këto kuota ortakëve të shoqërisë në të njëjtat kushte.

KREU III - ORGANET VENDIMMARRESE DHE DREJTUESE

Neni 8: Organet Vendimmarrëse

Organet vendimmarrëse të shoqërisë janë:

- 1- Asambleja e Përgjithshme e Ortakëve.
- 2- Administratori.

Neni 9: Asambleja e Përgjithshme e Ortakëve

Asambleja e Përgjithshme e Ortakëve është organi më i lartë vendimmarrës i shoqërisë.

Asambleja e Përgjithshme vendos për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;

- c) emërimin e shkarkimin e administratorit;
- ç) emërimin e shkarkimin e likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat "c" dhe "ç" të kësaj pike;
- dh) mbikëqyrjen e zbatimit të politikave tregtare nga administratori, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorit;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) ndryshimin e selisë së shoqërisë;
- j) marrjen e një huaje në çfarëdo vlere nga ortakët;
- k) marrjen e një kredie apo huaje nga një institucion financiar;
- l) çështje të tjera të parashikuara nga ligji apo statuti.

Neni 10: Administrimi

10.1 Shoqëria do të drejtohet bashkërisht nga 2 administratorë. Administratori i parë i shoqërisë është Z. Elton Beqi, i datëlindjes 30.08.1977, me numër personal H70830128T, i cili emërohet për një afat 5 vjeçar, që fillon në datën 02.10.2023 dhe përfundon në datën 02.10.2028. Administratori i dytë i shoqërisë është Z. Agron Shaplo, i datëlindjes 20.04.1953, me numër personal F30420145K, i cili emërohet për një afat 5 vjeçar, që fillon në datën 02.10.2023 dhe përfundon në datën 02.10.2028.

10.2 Kohëzgjatja e mandatit të Administratorit përcaktohet nga Asambleja e Përgjithshme në vendimin e emërimit së bashku me momentin e fillimit të tij dhe mbarimit të tij. Megjithatë, në rast se Asambleja e Përgjithshme e lë në heshtje, kohëzgjatja e mandatit të administratorit është parimisht 5 (pesë) vjet dhe fillon në datën e vendimit të Asamblesë.

10.3 Mandati i Administratorit mund të ripërtërihet në mënyrë të pakufizuar.

10.4 Administratori shkarkohet dhe/ose emërohet nga Asambleja e Përgjithshme e Ortakëve me një shumicë prej 51% të votave. Administratori mund të shkarkohet nga Asambleja e Përgjithshme në mënyrë *ad nutum*, lirisht pa pasur nevojë që të përcaktojë një shkak, njoftojë paraprakisht apo ndjekë ndonjë procedurë specifike.

Neni 11: Kompetencat e Administratorit

Administratori ka të drejtë e detyrohet të:

- a) kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga Asambleja e Përgjithshme;
- b) përfaqësojë shoqërinë tregtare në raport me të tretët dhe pranë organeve shtetërore;
- c) kujdeset për mbajtjen e saktë e të rregullt të dokumenteve dhe të librave kontabël të shoqërisë;
- ç) përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) krijojë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- e) raportojë përpara ortakut në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

Neni 12: Përgjegjësitë e Administratorit

12.1 Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

12.2 Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Për Tregtaret dhe Shoqëritë Tregtare", administratori detyrohet:

- a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi;
- b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
- c) të vlerësojë me përgjegjësi çështjet, për të cilat merret vendim;
- ç) të parandalojë dhe mënjanojë rastet e konfliktit, prezent apo të mundshëm, të interesave personalë me ata të shoqërisë;
- d) të ushtrojë detyrat e tij me profesionalizmin dhe kujdesin e nevojshëm.

12.3 Administratori, gjatë kryerjes së detyrave të tij, përgjigjet ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

12.4 Nëse administratori vepron në kundërshtim me detyrat dhe shkel standardet profesionale, sipas pikave 1 e 2 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidarë.

12.5 Në mënyrë të veçantë, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit "Për Tregtaret dhe Shoqëritë Tregtare" kryen veprimet e mëposhtme:

- a) u kthen ortakut kontributet;
- b) u paguan ortakut interesa apo dividendë;
- c) u shpërndan aktivet shoqërisë;

Kreu IV - Viti financiar - ekspertët

Neni 13: Viti Financiar

Viti financiar i Shoqërisë fillon më 1 Janar dhe përfundon me 31 Dhjetor. Përjashtimisht, viti i parë financiar fillon nga data e regjistrimit të shoqërisë në Qendrën Kombëtare të Regjistrimit dhe mbyllet më 31 Dhjetor.

Neni 13: Ekspertët

13.1 Eksperti ka për detyrë që të kontrollojë të gjithë dokumentacionin kontabël të veprimtarisë ekonomike tregtare të shoqërisë, atë gjithëvjetor dhe atë në lidhje me kontrollat periodike të ushtruara prej tij për rastet kur ai është ngarkuar dhe ka kryer një gjë të tilla i ngarkuar nga ana e ortakeve.

13.2 Në përfundim të kontrollit eksperti kontabël i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për kontrollat periodike të ushtruara, të cilat është i detyruar që t'ja paraqesë e dorëzojë në kohë ortakeve për t'i shqyrtuar e miratuar.

Kreu V - Prishja –riorganizimi i shoqërisë

Neni 14: Prishja dhe likuidimi

14.1 Shpërndarja ose prishja e shoqërisë mund të bëhet në çdo kohe :

- a) me vendim të Asamblesë së Përgjithshme të Ortakëve;
- b) me hapjen e procedurave të falimentimit;
- c) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
- d) me vendim të gjykatës;

14.2 Në këtë rast Ortaku merr vendim me shkrim në të cilin parashikon mënyrën e likuidimit të shoqërisë, duke caktuar 1 apo disa likuidatorë dhe shënuar në çdo dokument të nxjerrë prej tij emrin e likuidatorit dhe emërtesën shtese " Shoqëri në likuidim e sipër ".

14.3 Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.

14.4 Likuidimi kryhet nga likuiduesit e emëruar nga Ortaku.

Neni 15: Riorganizimi i shoqërisë bashkimi-ndarja

Shoqëria mund të ndahet, bashkohet me vendim të Asamblesë së Përgjithshme të Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 "Për tregtarët dhe shoqëritë tregtare."

Neni 16: Baza Ligjore

16.1 Shoqëria do të zhvillojë aktivitetin e tij në përputhje të plotë me këtë statut dhe dispozitat e legjislacionit shqiptar.

16.2 Për sa nuk parashikohet në këtë statut, do të zbatohen dispozitat e ligjit "Për tregtarët dhe shoqëritë tregtare", Kodit Civil dhe çfarëdo ligji tjetër specifik në Republikën e Shqipërisë.

Neni 17: Mosmarrëveshjet

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tretëve, do të jetë kompetente Gjykata e Rrethit Gjyqësor Tiranë.

ORTAKËT E SHOQËRISË "GSA Ferrokrom" SHPK

Shoqëria "GSA" përfaqësuar nga administratorët

Serafin Orgocka

Agron Shaplo

